

# 野史

七十八

第二百二十七卷 武臣列傳  
 鳥居元忠  
 第二百二十八卷 武臣列傳  
 天野康景  
 第二百二十九卷 武臣列傳  
 高力清長  
 第二百三十卷 武臣列傳  
 平岩親吉 久野宗能  
 第二百三十一卷 武臣列傳  
 石川清兼  
 第二百三十二卷 武臣列傳  
 内藤家長

和書門	
一〇三	五
二	六
九	架
函	號
冊	類

内閣文庫	
番號	和 10356
冊數	100(78)
函號	269 35

内閣文庫	
一〇三	五
二	六
九	架
函	號
冊	類



A 1 2 3 4 5 6 M 8 9 10 11 12 13 14 15 B 17 18 19



© Kodak 2007 TM: Kodak





共百  
和三千三百九十二號

野史卷二百二十七

忠貞堂  
鳥居元忠

武臣列傳第三百三十五

鳥居元忠。參河人也。姓平氏。其先熊野別當鳥居行忠。以訟獄辨參河。住渡里邑。因族焉。鳥居系圖。渡里或作互。行忠九世孫。日本史作七世。逸史作八世。今從鳥居家譜。忠景屬左近衛中將新田義貞。以膂力聞。及義貞敗死。逃歸于參。復族鳥居。家譜。太平記。逸史。忠景九世孫忠吉。稱伊賀守。仕善德

飯田忠彦 修  
男 文彦 訓點  
竹中邦香 校

野史 卷二百二十七

君。大樹君。天文十六年九月。賜渡里地。而守東條城。  
藩譜、翰十八年。今川義元徙東照宮于駿。悉收其領邑。  
留安部定吉。石川康昌。守岡碕城。加以駿遠兵。令忠  
吉及松平重吉司賦歛。悉收租稅貢賦於駿。藩翰、譜  
二十年。依東照宮命。携元忠如駿。令仕東照宮。時元  
忠歲甫十二。宮悅遊戲。以鴟擬鷹。使元忠習之。其體  
不協宮旨。忿倒諸椽下。忠吉爪牙之臣。齒超七旬。宮  
愛慕。稱曰祖翁。左右憚忠吉。或謂諫之。忠吉抑止曰。  
賤臣齡傾。以輔翼之勞。屢辱君寵。若凡庸之主。則盼  
臣寵子矣。然毫無所憚。實英雄濶達之器度也。當時

海內糜沸。豪傑競起。智士計功。謀將割地。以聊些之  
故。必勿諫爭。惟希度量宏大。創業之功速成。日夜爲  
輔養之要而已。武德編年集成弘治二年正月。東照宮入岡  
碕。忠吉竊導入倉廩府庫。以視米穀資財。且曰。方今  
君雖蟄他鄉。在參將士。皆累世臣族。及龍摠之秋。不  
可莫資財。故臣盡心多年。以備其料。臣毫不期明日。  
請君佗日以充資糧。何幸加之。藩譜、翰忠吉積錢爲豎。  
宮曰。孤嘗觀駿府商戶錢。咸橫積。今豎積何如。對曰。  
橫積則繫繩腐斷。永年之計。莫如豎積。又軍旅之用。  
以錢爲貴。是臣所以盡心也。編年集成而義元死。東照宮

復歸于岡碕。軍糧資用無所缺乏。皆忠吉之功也。或請東照宮官途于朝廷。不果。忠吉索故格。憑近衛殿下。得賜宜命云。藩翰譜元龜二年歿。有三男子。長曰忠宗。鳥居家譜字源七郎。天文十六年九月。大樹君伐藏人信孝于和田。忠宗死之。家譜逸史未詳其地云。藩翰譜作渡里河內之也。次乃元忠。季曰忠廣。字四郎。左衛門。姊川之戰。織田信長遣福富貞次。傳令於先鋒。來與忠廣相遇。問中營。忠廣問其故。對曰。往傳軍令也。忠廣曰。寡君既為前軍。奚可蹙。麾下令乎。設令雖戰敗。以一隊拒擊。則不可為總敗。不及傳令也。言語暴涼。貞次問姓字。

荅曰。東照宮部下。斗筲之微者也。貞次反命。信長歎稱曰。德川氏有善士也。遺老物語。參河物語。味方原之役。忠廣為監軍。初酒井忠次。邏騎還報曰。甲人寡矣。忠廣視師報曰。甲師衆多。請止戰收兵。東照宮哂而弗聽。忠次曰。寡敵不足懼。忠廣笑曰。足下恐視先隊耳。縱令雖寡。以我偵之。猶有二萬餘。願作二十餘隊矣。信長援將平手汎秀在側。亦微笑曰。猶有其餘矣。宮弗聽。果軍潰。死尸當原。波切左馬助。離馬而退。謂忠廣曰。多傷。請借馬矣。忠廣曰。我亦跛為殿。疾可去。左馬曰。若不聞。他日不得為武。諺云於許忠廣慙直。忿曰。子欲

急遁乎。乃下騎執槍。顧其卒曰。汝反以聞焉。直揮槍跳入敵。與土屋直村拈鬪而死。松平物語逸史。元忠小字鶴之助。後稱彥右衛門。初仕東照宮于駿。每從師。屢建功。永祿三年。桶狹間之役。元忠率兵戰于遠州本野原。家譜。廣瀨杵掛之役。疾戰獲首級。東照宮將授以勳狀。元忠辭曰。臣有微功乎。君既知之。何記載之用。且勳狀者。四方游士所證其舊功。以要諸侯之資耳。臣守先祀以事君。死生無貳。藏之何為。家譜逸史。永祿十二年。擊駿人於懸塚。藩翰譜。元龜初。姊川之戰。為先鋒。味方原之敗。元忠禦戰。被矢疵。中所騎鞍前輪。而甲人

薄濱松。元忠出城擊卻之。家譜藩翰譜。天正三年。長篠之戰。為先驅。是秋。受命進檢城壁。中銃傷股。遂跛。而壯武不衰。家譜藩翰譜逸史。八年冬。攻高天神城。武田勝賴令橫田尹松。孕石元泰。栗田鶴壽等七人守之。固捍不拔。東照宮命築鹿鼻。中村小笠。相坂。相良五寨圍之。至九年春。遂陷高天神城。尹松走。元泰就虜。鶴壽等死之。元忠率力戰。獲首十九。家譜藩翰譜參河物語。兵家茶話。十年。信長入甲。東照宮自濱松。元忠措藤枝而行軍。過田中。依田信蕃據城發銃。元忠督兵拒焉。武田氏亾而後。元忠受命次古府。北條氏直遣族氏勝。率兵一

萬餘。侵掠東郡。元忠及三宅康俊。水野忠重等兵六百。與氏勝戰于黑駒。克之。獲首五百餘。梟之新府。官賞元忠。賜郡內地。且曰。是則汝先鋒之力也。藩翰譜、譜、家譜、譜、十二年。小牧之戰。元忠留鎮甲。令子忠政從役。藩翰譜、譜、十三年。閏八月。師攻沼田城。初。東照宮與氏直行成。予沼田於氏直。氏直使大道寺政繁抵甲府。真田昌幸不聽。而曰。斯城也者。我槍頭之所得也。雖爲德川氏之命。不欲授氏直矣。是故東照宮令元忠及大久保忠世。平岩親吉等赴攻之。不利。元忠後拒。敵自戶石城出擊之。元忠士二十九人。撲鬪而死。敵亦不追。

躡。元忠涉加字川。建旗於吉田臺而嚴備。敵渡水而去。次日。師踰筑摩川。出八重原。敵出挑戰。或欲戰。元忠制止而罷。德川記、家譜、藩翰譜、十四年十一月。關白秀吉喻元忠。以命爵之拜。元忠意關白勤恩意。以結外臣。乃固辭曰。臣山東鄙人。不閑儀節。且足不良。不能膺爵位。蓋元忠異日累茅土之賞。而不尊一命之恩者。以此也。後秀吉令羽柴勝雅以女妻元忠子忠政。固欲忠政爲勝雅義子。元忠辭曰。婚媾拜命。但臣族策名於弊邦。今使兒有二君。非私心所願也。秀吉弗能強焉。藩翰譜、十八年三月。秀吉征相。元忠助淺野長政。

木村重茲入上毛。又與本多忠勝。平岩親吉。徇上總。取佐倉。東金。廳南等諸城。而攻筑井城。拔之。五月。圍岩槻城。長政。忠勝。門于南門。親吉自東門。元忠自北門。皆疾戰。奪外城。城將妹尾兼延。驍勇善鬪。殺傷相當。本多忠政。進刺兼延。殪之。餘欲走入牙城。元忠進迫之。城兵連發銃矢。元忠中丸三。其一腰。一鞘。一團。自己迨午刻。不撓。部下死傷者百餘人。而城守井上與兵衛乞降曰。諸部皆勇。不可敵矣。但華表旗一軍最猛。願致城於華表隊。華表爲元忠徽號。長政欲受降。馳入咨。東照宮命。何有異乎。長政受降。家譜、松憲漫錄、逸史

○逸史作元忠受降。自上文長政受降已下。從鳥

居家譜

八日賜矢作莊。下總、四萬石、家譜、藩翰、逸史慶長五年六月十六日。東照宮東征。出師抵伏見。命元忠留守松平近正。內藤家長。松平家忠副之。木下勝俊守松郭。爲之援。元忠老且病足。席上賜杖。是日。元忠多設菽化餅。配享諸將士。及日暮。元忠倚杖過席上。對諸士曰。能食。或應曰。不似城代之饗。聞之曰。如不欲者。意也。其所設夥多。迨明日。猶有其餘。衆懷之。或騎上齋之云。落穗集十七日夕焉。東照宮因勞之。元忠拜曰。東征

重事。一夫在所益。家長家忠皆請從行。留務臣與近正而足。宮曰。人心動搖。時變難測。四子我尙嫌其少。乃以爲冗。何哉。答曰。主公旣東。而中原無虞。二人亦優矣。萬一畿甸難作。此城當援。孤立無衝。臣有死而已矣。乃在圍城內者。倍亦殲焉。徒亦殲焉。多寘人。以遺敵獲。無爲也。宮壯之。且曰。孤幼而寓于駿也。若年十二。自參來侍也。今老且病乎。遂留而語。至夜半。元忠辭曰。駕當星發。請少就寢。將退而曰。畿甸如有事。臣得見焉。今日耳。將起。足益痹。宮命左右扶之。元忠揭袂攬淚。遲遲而出。目送歔歔久之。落穗集、逸史、七月。大

坂群議。欲屠伏見城。增田長盛遣使者曰。長盛受內府顧。又與子驩。故致慇懃。今我大兵。北上有期。孤立之城。徒死無益也。城本故太閤老休之地。而豐臣家之有。致焉而去。未足爲罪。時勢如此。子之效忠力。豈唯今日。子若見聽。長盛當發兵。送質護送。勢州渡海之地。必保無佗虞。請審思之。元忠荅曰。寡君有命。不知其他。大兵疾來。試我鋒刃。使者再至。必斬之。終私於使者曰。增右不念舊誼。謹拜命之辱。城雖豐家之有。公儀以託寡君。守則寡君之命。微臣不敢隕也。抑增右之憂寡君。必及元忠。心竊有異焉。假使元忠有



逃避之計。猶宜昂以節義。曰枕城以死。毋墜君命。今乃謂必廢其職。姑偷生以爲後圖。非所望於我增右也。使者反命。長盛以問渡邊印齋。對曰。忠臣也。攬淚。長盛亦憮然隕涕。曰。惜夫。失一名臣。國史實錄。落穗集。大三川志。逸史。元忠乃勒諸將。定部署。燔市廛。以嚴備。木下勝俊率部兵。去如京師。元忠及松平家忠。近正據牙城。內藤家長。佐野正吉。慶長五年。人數配。作政盛。或作綱正。于西城。甲賀左衛門。岩間。或作田。兵庫。及江州永原。士于名護屋郭。駒井猪之助。于治部郭。深尾光春。于松郭。上林政重于太鼓郭。守城兵都一千八百餘人。鳥居武陰談叢。大三川志。

原合戰志記。落穗集。藩翰譜。元忠謂諸將士曰。兵寡單。無救援。各據其部署。莫賴外援。以死爲期。生會盡此矣。置酒燕飲。盟必死。落穗集。藩翰譜。初。佐野正吉爲大坂西城留後。爲西人被逐。送管所護衛。永正姬。養周姬。阿茶局。相應姬。于大和路。徙婦女于諸處。而來請入城。家長曰。足下先棄西城。而雖今死于斯。奚以足爲忠乎。正吉曰。我以婦女子之故。忍恥去西城。今而莫繫累。願垂憐。得歎敵戰死。謝罪於泉下矣。元忠等許諾。又江州代官岩間兵庫。深尾光春。石部小市郎等。來請拒守。宇治茶戶上林政重亦來請。俱守壁。元忠乃頒各令守



備。實錄、大三川志、武家物語、落穗集。中納言秀秋。島津義弘遣使請入城。元忠辭之。實錄、武家物語。七月二十日。西師來圍。宇喜多秀家。小早川秀秋。島津義弘。鍋島勝茂。長束正家等兵。凡三千七百餘。

○今按。逸史作四萬。落穗集作三萬九千。陰德太平記作四萬五千。姑從藩翰譜載焉。

當勝茂交陣之日。家忠率兵出而擊。石田三成兵橫擊。家忠左右接戰。不利而入。西師遂合圍。落穗集、歷二句。城外礮銃接晝夜。而諸將皆出死力捍禦。殺傷過當。西人初謂城兵寡單。當蹂躪而過。於是。有倦色。

長束正家使所部甲賀人浮貝藤助。射書於城上。誘故舊山口宗助。永原十內等曰。元帥有命。縱火爲內應。必有重賞。不則收斂。膊殺于城下。城中所在甲賀部四十餘人。懼而黨之。晦佐野正吉。縱巨銃。筒裂燒死。中興譜、東遷集、逸史、大是夜三更。元忠曰。光春所守松郭。銃聲甚凶矣。往年小田原之役。與松田所守銃聲無異。令他人代之。家長曰。夜已闌。兵卒混濫矣。乃止。大三川志、談叢。四更松郭火起。風烈。燄炎四散。敵衆鼓譟而登。政重。兵庫等死之。光春就虜。敵乘勢。豨突。守者巷戰皆敗。筑師攻名護屋郭。近正揮槍。拒之於中門。

爲筑人被獲。薩人薄西城。家忠衝之而死。家長亦執戟。率部下擊敵。卻之。三回。部下皆歿。軀亦被創。初家長能射。多斃敵。及傷。託子元長於安藤定次。積柴於鐘樓。縱火自殺。元長年甫十六。力戰被傷。欲從父而入。見火發。自殺。安藤定次。山岡甫安。松平伊長。篠山景春。其子景尙等。相尋戰死者三十三人。羅城皆破。士衆殲焉。敵門牙城。元忠勵衆登陴。矢丸雨注。敵兵多殫。筑人以火箭焚鼓樓。元忠遣人防之。其中箭陷墮死。火延殿宇。或勸自殺。元忠曰。我有所思。雖身體不具。汝等其能觀我死戰。迺啓門。麾衆血戰。數回。

部下之良。僉多得當。至興隸牧圍。皆力戰而死。雜賀人鈴木重次。踰僵屍而進。元忠方踞正階。問重次名。徐曰。我彥右衛門也。來取首。重次曰。臣微者。不敢敵也。事既至此。請自殺。元忠頷而入廣殿。重次扶解甲。元忠伏劍。時歲六十二。重次裹首而出。實八月朔也。實錄、東遷基業、鳥居家譜、慶長記、德川記、落穂集、大陰德、太平記、武家物語、落穂集、石田軍記、逸史、大坂梟首于京橋口。京師賈人佐野四郎右衛門。竊元忠首。葬諸知恩院中長源院。大三川志、藩翰譜、逸史、法名賀嶽宗慶。號龍見院。藩翰譜、備考系圖、三成下令、嚴索盜首者。四郎聞之。謂爲外人所訟。被罪非義也。豈本懷

耶乃自赴三成許訟之。三成感節義赦焉。中興譜、大  
有六男子。長曰康忠。字源七郎。蚤死。次曰忠政。次曰  
成次。次曰忠勝。字左近。爲家人。子孫仕水戶侯。次曰  
忠賴。後稱美濃守。仕幕府。次曰忠昌。稱伯耆。爲家人。  
忠政初字新太郎。天正十六年四月。叙從五位下。稱  
左京亮。實錄、家譜庚子秋。與弟成次。從台德公子宇都宮。  
及西上。忠政留守宇都宮。令成次從山道。藩、翰及軍  
平賜父遺邑矢作田四萬石。慶長七年十二月。加賜  
岩城。陸、與城六萬石。爲父創立長源寺於岩城。東照  
官曰。元忠功勳不可諉也。乃賜香花料田一百石。藩、翰

藩、翰譜、尋加賜佐貫總上田二萬石。家譜、藩大坂冬夏  
役。守東府。德川記、藩、翰元和八年。轉封于最上。出羽、城食邑  
二十萬石。家譜、藩、翰爲與羽鎮護。家譜、藩寬永三  
年八月。叙從四位下。家譜、藩、翰武家補任。中興盛衰記。是歲。益封與  
州田川郡田二萬石。家譜、藩  
○今按。類聚武家盛衰記作二十四萬石。藩翰譜  
亦同之。舊章錄作二十三萬石。然則是時所加封  
四萬石乎。將三萬石矣乎。猶當考。  
五年九月卒。歲六十二。藩、翰譜作六十歲。今  
木重次更族雜賀。仕水戶侯光國。使人謂忠政曰。我

遇元忠之死期。收其著具。以爲先考遺物。故贈附焉。忠政大悅。請之。重次躬自携來。忠政迎之於門外。掛重次於寢室。而曰。實如見考也。攬淚謹拜遺物。待重次。懇款深切。明日遣使齎遺物。謝曰。依厚情。再得拜先考遺物。於我猶不爲匱。頗雖麁暴。願留之。以爲後來名譽矣。乃還附焉。而後每歲貽棉表四五領于重次。通使者音問。忠政終世不絕。光國聞之。感其孝志。計使者來期。命修道路。繕橋梁。賜魚鳥於重次。以資享賓之設。云。藩翰譜、落穗集、澁家手錄。

○落穗集載。重次贈之。忠政謝曰。足下留之。雖爲

後世名譽。物已垢污。請止焉。今猶傳在鳥居氏。乃

水色棉衣。細紋章肌衣也。未詳。故附以備後考。

子忠恒嗣。或作忠政弟。忠恒小字新太郎。叙爵稱伊賀守。

繼封。叙從四位下。稱左京亮。寬永十三年九月卒。歲

三十三。無繼。家譜、藩翰譜、舊章錄、類聚盛衰記。次曰定盛。出爲戶澤

政盛養子。次曰忠春。本名忠定。初稱主膳。忠恒卒無

嗣。殊賜高遠。信濃城食邑三萬石。承祀。寬永十六年十

二月。叙從五位下。稱主膳正。家譜、武家補任、藩翰譜。寬文三年。

爲大坂城加番。抵大坂旅舍。八月朔。有醫松谷壽覺。

把刀傷忠春。近侍士渡邊七十郎。趨進斬壽覺。忠春

疵不瘳。遂卒。歲四十四。京師賈人佐野四郎右衛門子某來會。在旅舍。聞變。進入。為壽覺被殺。藩翰譜、萬朝武國記、忠春子忠則繼封邑。先是叙從五位下。稱兵部少輔。改稱左京亮。元祿二年夏。警衛馬場先門。坐家人事。邑除。殊命賜能登田一萬石於子忠英。忠英叙爵稱播磨守。後改稱伊賀守。歷奏者番寺社奉行。為若年寄。再加賜食邑領三萬石。為壬生野城主。子孫相傳。

成次。小字久五郎。自幼仕東照宮。庚子秋。從台德公于山道。藩翰譜。軍散。石田三成就虜。東照宮召成次曰。

是乃父仇也。今畀之於汝。汝任意誅戮。以吊父。乃賜三成。成次拜命。携歸。會三成有疾。成次厚慰勞。薦醫藥及食服。明日出。而請曰。亡父為國死節。何以渠為深讐矣哉。臣既拜命。一宿警衛之。以謝命之辱。宮嘉其志。德川記、落穂集、藩翰譜、中興盛衰記。慶長十年四月。叙從五位下。稱土佐守。藩翰譜、備。大坂冬夏之役。從師。獲首二百八級。藩翰譜、大坂陣首帳。賜谷村甲斐城食邑三萬八千石。藩翰譜、備。考系受東照宮命。傳峯巖公子忠長。家譜、藩翰譜、中興盛衰記。殊命曰。汝為諫爭之臣。莫有隱匿。如不聽。則具狀以聞。慎莫懈。中興盛衰記。忠長荒暴。屢戾東照宮旨。成次盡心

切諫。寬永二年正月。青山幸成抵公子第。傳命曰。加封駿遠于甲。忠長弗懌。又不報。幸成掛成次曰。今更益封二大國。且併舊封。實卿之幸慶也。忠長作色曰。噫。大藏。汝何言與。我苟爲大樹子弟。僅得封三州。何以爲幸哉。成次代謝命。幸成去而後。徐諫曰。我邦雖窄小。五畿七道。都六十餘州。而君爲故大相國公之子。大樹公之弟。故以其二十分之一封焉。豈不大封乎。然不拜不謝。抑是何心矣乎。且今列臣位。幕府臣庶者。皆君之同僚也。况大藏掌國政。當時重臣。而爲君父使節。莫拜莫報。似辱彼。不忠不孝。非禮非義。莫

大焉。墮淚千行。苦諫久之。勸忠長登營以拜命。八年。成次臥病于谷村城。事聞東府。台德公賜休暇于忠長。令就國。忠長悅。馳人報之。成次聞使者至。扶病見使者。傳命未畢。言成次頻落涕。悲泣。使者謂成次垂死。心志虛耗。不堪歡悅矣。俱拉泣曰。卿謂成次聞入國。則忻悅。以爲醫療之資矣。故疾馳騁而至。如聞之。則必有喜色矣。成次吐息曰。臣齒傾臥疾。不能死而追今日。聞凶問。可謂不幸也。聞說大相國公。頃間有不豫之色。夫卿者大樹親族。奚以避之爲乎。今方避之。恐莫再會之期矣。我如得不死。有壽威之日

矣。既逼死期。莫由解逆怒。嗚呼偷生。而何益之有。疾欲死也。顛轉憂悶。不日而瞑。次年春。台德公薨。其秋駿河侯忠長國除。藩翰譜。滋家手錄。成次時歲六十一。法名超英。休伯。藩翰譜。備考系圖。墓銘。子成行。初字久五郎。寬永元年。叙從五位下。稱淡路守。藩翰譜。備考系圖。父卒。繼領邑。爲傅臣。無幾。寬永十年。坐邑除。幽山形。藩翰譜。備考系圖。類聚盛衰記。○舊章錄作尋遇赦而卒。歲三十三。藩翰譜。備考系圖。重。字稱久太夫。元安中。殊賜食邑二千石。繼其祀。子孫相傳。仕幕府。續武家盛衰記。

野史卷二百二十七終

野史卷二百二十八

飯田忠彦 修  
男 文彦 訓點  
竹中邦香 校

武臣列傳第一百三十六

天野康景

天野康景。三河人也。姓藤原氏。出自遠景。遠景者藤內景元子。爲安達判官遠基猶子。承兵部卿源良仁後。居伊豆天野邑。因氏焉。

○天野系圖。天野家譜。日本史。或作遠景。本名義景。字四郎六郎。實式部大輔義國六男。按日本史



作景元子。景元父曰景澄。稱入江權守。然景澄。景元未審其出。又云。義國子義景。未詳。故姑係之。以俟再考。○野史氏又考。天野元政系圖。姓作源氏。藩翰譜云。藤原氏。備考系圖。元政先出自遠景玄。孫維顯。康景出自遠景玄。孫經顯。其經顯。維顯兄弟矣乎。非矣乎。今異其姓氏者。蓋有據矣。未知焉。遠景十七世孫景恒。稱甚右衛門。

○按並合記。有民部少輔遠幹。居遠州秋葉城。應永三十一年。奉尹良親王。適參州。其子遠貞云云。鹽尻。兵家茶話。往往載見遠幹及遠貞。今校之。系

圖不見其名。一族矣乎否。猶當復考。

仕大樹君及東照宮。是為康景父。康景本名元景。初字又五郎。後稱三郎兵衛。初松平信孝暨族忠倫。叛大樹君。應織田氏。築岡野。上和田寨。薄岡碕。急也。廣忠與諸士胥議。或謂乞援於駿。屠岡野。上和田而入尾。拔丹下。中島等矣。遣石川清兼及景恒于駿。憑葛山播磨守岡部正綱。乞救。義元曰。人心洶洶。疑惑避襲。乞質。乃天文十六年八月。東照宮時甫六歲。親臣皂隸五十餘人。縶于西郡。抵吉田。戶田憲光迎之於潮見坂。修假舍以享之。會有森平太者。故岡碕士也。

去如尾。仕林通勝。竊來告曰。少弼懷異謀。請尾曰。岡  
碕任子。今在我懷。如奪之送尾。則參皆來屬必矣。冀  
以東參見併。取以致焉。信秀悅。遣通勝及岩室長門  
守。率兵來田原。贈錢五百緡。以許其所請。二人在田  
原二郭。艤巨艦。以俟明曉。欲送熱田。請慮焉。衆謂慮  
光爲親戚。且君外祖。奚爲有異哉。雖平太。今在敵。彼  
意亦不可知也。皆不信。次日平明。憲光來謂曰。風波  
平穩。請上船。榊原平七郎進。次日自西郡到吉田。既  
歷海路矣。請自此從陸路。未嘗聞通舟路于駿也。憲  
光曰。陸路達駿。有大河數流。頃日霖雨。水潦奮流。通

路梗塞。取舟路從便。而就陸矣。我何有異乎。衆莫怪  
焉。乃上舟。舟皆備弓銃。送致熱田海濱。人戶皆非是。  
衆相目不知所爲。康景歲甫十一。初上岸。囑其奴曰。  
耳目非是。恐陷姦計。而疾歸報。今猶可脫走。如事已  
定。渠必物色。不可復舉動矣。因事得蚤聞。皆奇之。藩  
譜、逸十八年。大樹君薨。是冬。今川義元遣僧雪齋等。  
攻安祥城。擄織田信秀子信廣。以伐東照宮。而眞宮  
于駿。康景從之。景恒等爲岡碕處守。天野家譜、武德  
編年集成、藩翰  
譜、逸弘治二年二月。從東照宮初軍。復從如駿。而景  
恒及石川本多等如駿。請邀入東照宮于岡碕。而後

大高。鷺津。丸根皆從焉。譜、翰一向之亂。東照宮出兵于佐碯。敵移西尾。水野忠重爲先鋒。到八面。康景進與矢田作十郎。馬場小平太等戰破之。殪小平。家譜、年集。成。東照宮賜諱字。更今名。未詳、年永祿八年二月初。置奉行職。康景及高力清長。本多重次任之。家譜、德川記、編年武家盛衰記。逸史。中興。東照宮乃命曰。夫妻雖不親睦。產子而和偕。勿遺此意。時人語曰。浮屠高力。夜又作左。無彼無是。天野三兵。藩翰譜、逸史、岩淵夜話康景性慎重宏智。能居寬猛之際。相寬和猛。不偏不黨。國政以平。東照宮擢衆舉三人。以任職。識人之鑒。神智所致。國治

而天下平也。創業之力。康景等所濟。不爲不多矣。藩翰譜姊川之役。有敵二人。混麾下士。覘隙。康景察機前。斬其一人。加藤喜左衛門屠一人。味方原之敗。東照宮將脫入濱松。康景侍側。有敵馬上率弓手二人。據阜上。康景望見。趨進刺騎上敵。不遑馘。而宮入城。康景及植村莊右衛門警衛前門。日暮。康景募銃手十人。馳抵犀崖。劫甲人。尋賜榮守。中山地二百貫。併領三百貫。後加賜一千七百石。天方之役。被傷。而守瀧坂寨。以備甲人。家譜天正三年正月十七日夜。康景婢夢一聯句。次日黎明。以告。康景以爲嘉瑞。白東照

宮。故事。是月二十日。召臣僚。賜鎧賀餅。於是召聯歌者。繼所夢一句。以聯百韻。是夏。有長篠之捷。立爲永式。後年以大猷公薨日。更爲十一日。云。藩翰十一年。隸三遠士二十四人于康景。又附伊賀者八十三人。康景乃督之。爲江尻城代。當是時。松平康親守石津城。與相人戰于葦山山中。康景援之。擊相人。屢破之。賞賜米穀三千苞。家譜、藩翰譜十二年。長湫之戰。獲首三級。十八年。賜下總田三千石。家譜庚子秋。從淨鑑公子信吉。守東府城。家譜、藩翰譜慶長六年春。賜興國寺河、城食邑一萬石。家譜、藩翰譜、中興初康景從師。東照宮

拔東條城。使康景受之。以爲佳例。其後所受取。所謂吉田。長篠。瀧坂。三河、掛川、遠江。田中。江尻。興國寺。駿河、清須。小牧。前田。尾張、濱田、蟹江、伊勢。下田。伊豆。八王子。武藏。大坂。西城等也。家譜慶長十二年三月九日。逸史、作康景棄村邑。亡命。家譜、藩翰譜、慶長、野聞、逸史先是康景修繕城屋。令夫卒伐竹木蓄積。健步監之。有盜宵賊之。健步捕殺之。盜田原邑民。邑爲公料。邑宰井出甚介恃勢。枉爲殺無辜者。求償。康景弗聽。曰。盜入我封境。捕之殺。於律無科。縱令雖公民。成竊盜則賊也。我健步有違辨之哉。甚介乃誣。以擅殺良民。因本多正純訴之。東

野史 卷一百一十八 十九

野史 卷一百二十八  
照宮曰。康景淳茂。必不爲非度。命覆之。

○藩翰譜云。是歲二月。東照宮至。自駿府。所被傷民。訴駕于三島。命檢其傷。召決康景暨甚介。彼稱鬪。評是稱盜。弗果。宮謂康景非可論。非據者。覆之。今按。有所疑。故不取焉。

正純欲練窮其獄。謂康景曰。渠雖土民。公料也。足下健步是私人也。設令雖謂莫過。以私廢公。恐不可矣。固求之償。康景恚曰。以直爲枉。是非我素懷。健步雖賤。非其罪。正純執政偏頗。與其殺不辜。我寧有死耳。終去城。潛匿狩野。家譜、藩翰譜、中興盛衰記、野間、鹽尻、澁家手錄、逸史、

○野史氏云。康景幼而敏慧。上岸識察。陷敵手。屬奴報其變。當奉職。和濟寬猛。蕩平之治。聞于海內。終立義守道。何者正純。苟預聞政事。許以誣科。康景陽不害公政。陰不懷私忍。謂不殺無辜。棄萬石祿而不屑。獨立其道。有始有終。賢矣哉斯人。

東照宮念其舊勳且老也。尋欲復之。十八年二月。病死于狩野。歲七十七。家譜、天野系圖、逸史、法名宗恩。家譜、系圖、有數子。長曰康遠。稱對馬守。寬永五年十二月。召賜俸米千苞。仕幕府。次曰康武。稱左兵衛。次曰康世。稱六右衛門。次曰康由。稱三右衛門。餘皆爲僧。家譜、

野史卷二百二十八終

[Faded text in the right-hand page, likely bleed-through from the reverse side.]

野史卷二百二十九

飯田忠彦 修  
男 文彦 訓點  
竹中邦香 校

武臣列傳第一百三十七

高力清長

高力清長。三河人也。姓平氏。熊谷直實六世孫直鎮。屬足利尊氏。補三州八名郡地頭職。直鎮玄孫實家。永享十一年。戰死于箱根山。其孫重實。移住同國宇理莊。重實子實長。入道蓮實。屬今川氏。蓮實子正直。徙居高力鄉。正直子重長。因地名。初族稱高力。高力家譜

野史卷二百二十九  
二十一

藩翰譜、稱備中守。享祿三年。善德君清康攻宇理城。逸史、譜重長出城接戰。前軍敗績。清康督戰。拔柵乘墉。重長固拒不屈。而岡碕士岩瀨莊左衛門。亾在宇理城。縱火爲應。岡碕師乘之。重長棄城而遁。尋仕岡碕。藩翰譜、逸史、天文四年十二月。清康卒于森山營。織田信秀率兵八千入寇。松平康孝禦之。重長爲先鋒。與尾人戰于伊田。重長及子安長死之。家譜、藩翰譜、逸史、重長生二男子。兄安長。字稱新三。從父戰死。弟重正。字新九郎。天文六年。大樹君入岡碕城。重正赴仕。永祿三年五月。從東照宮于大高之役。戰死。家譜、藩翰譜、清長安長子也。

初字新三。後稱與左衛門。父死時。生僅六歲。叔父重正鞠養之。而仕東照宮于駿。永祿三年。從大高。得胄首一級。一向之亂。屢建戰功。土呂敵巢與高力鄉相鄰。清長受命赴守之。悉收拾賊徒所紛散。佛像經卷及亂平。皆返附其故處。國人目唱浮屠高力。家譜、八年春。與本多重次。天野康景爲奉行職。政治大行。統內悅服。重次猛。康景慎重。清長寬。時人語曰。浮屠夜叉。彼是無方云。家譜、藩翰譜、岩淵夜話、逸史、十一年。東照宮徇遠州。清長從軍。通遠人可睡齋。招久野宗能于駿河。而後國人送款。來服者多。藩翰譜、味方原之敗。被創。姨夫岩

野史 卷二百二十九

掘勘解由左衛門等。一族從者數十人死之。家譜、藩天正八年九月。賜馬伏塚城及鎌田地。家譜、藩十年。從東照宮于界浦。掌輜重。為殿。土寇羣起。數侵行路。清長追擊。中銃傷。護糧仗。達大濱。家譜八月。徙守田中城。賜山西地。家譜、藩十二年。稟命如京師。修行成之禮。十四年。關白秀吉執奏。叙從五位下。任河內守。授豐臣氏。家譜、武家補任、藩翰十六年。受命經營聚樂城。秀吉嘉即成之功。賜國光作脇刀。家譜十八年。賜岩槻城。食邑一萬石。家譜、藩翰殊命使清長司浦和鄉租稅一萬石。清長令家臣中村孫右衛門為之宰。收其

實職。運輸東府倉廩。薦孫右為公吏。家譜是歲九月。關白秀吉入岩槻城。清長迎饗之。秀吉悅。視前庭菘花。詠和歌以賜清長。及其西還。清長婦人猶在田中城。秀吉遣使賜物。而後每歲。婦人獻物於秀吉。為例云。家譜、藩翰文祿元年。東照宮在那古耶行營。使清長造戰艦。而宮還東府。清長請問造艦費用。宮曰。汝淳直。夫何疑之有。清長私料其用。有所餘黃金猶二十枚。以納之。宮曰。是乃汝之功也。以賜焉。家譜庚子秋。從海道。以慶長十三年正月卒。歲七十九。家譜、藩翰法名快光道鎮。家譜、諡子正長。初字與二郎。更稱權左衛

野史 卷二百二十九

二十三



門。歲甫十五。從味方原。被傷。獲胄首。長篠之役。又得首級。是歲九月。武田勝賴援小山。東照宮歷伊呂。而將入濱松。甲先隊躡師後。正長及日下五郎八返擊。得首二級。長湫之戰。正長及三宅孫兵衛。進與堀秀政兵戰。得胄首。東照宮怒曰。師未督戰。欲伺敵虛實。子等叨背軍令。須處法也。二人違旨。無幾免。仕如故。是冬。佐佐成政自越中來。見東照宮。正長侍坐。宮顧曰。此是高力與二郎。我累世勇士也。成政揖曰。公多士。實非人之所能及也。家譜、藩慶長四年三月。叙爵稱土佐守。家譜、藩四月。家忠日記先父卒。歲四

十二。家譜、武家補任、藩法名善室道喜。號淨林院。高野山墓銘子忠房。次正重。稱傳十郎。次長次。稱河內守。家譜、忠房繼祖父後。慶長四年六月。台德公賜諱字。家譜、藩庚子秋。從山道。十年七月。叙從五位下。稱左近大夫。家譜、武家補任、藩十四年三月。岩槻城火。是冬。東照官狩于郊野。而入岩槻城。褒其成功之速。賜白銀二百枚。家譜、藩大坂冬役。從師。夏役起。受命。赴鎮南京。三月五日。馳到大坂。得首二十四級。家譜、大坂陣首帳○軍散。又如大和。搜索遺黨。家譜、大坂日記元和三年九月。賜濱松遠江城。食邑三萬石。藩六年。更稱攝津守。武家譜

補、寬永十一年。加賜食邑五千石。十五年春。島原賊平。四月。擇列侯。賜島原城于忠房。鎮撫餘寇。十一月。益封邑五千石。家譜、藩翰譜。明曆元年十二月卒。歲七十。三。武家補任、藩翰譜。法名傑岑道英。號禪林院。墓銘。有三男子。曰隆長。次曰長房。稱兵部少輔。次曰政房。稱左京亮。割賜食邑三千石。仕幕府。家譜。隆長繼父。先是元和九年八月。叙從五位下。稱左近大夫。武家補任、藩翰譜。永五。隆長繼封而後。貪利虐民。有諫臣則殺。或逐之。登庸姦人。逞邪慾。封內荒穢。百姓怨苦。會巡撫使到西海道。問民疾苦。封內諸民愁訴。充溢于道路。初忠

房受封于亂賊荒涼之後。盡心鎮綏。歷年邑民復業。稍歸豐饒。隆長驕泰無度。士庶困勞。終寬文八年二月。命邑除。流竄于仙臺。子常長于莊內。次男正房于松代。藩翰譜、武家補任、舊章錄、類聚。三月。賜苞米。延寶四年十二月。歲七十三而死。武家譜、藩翰譜。子常長。以寬文二年十二月。叙爵稱伊豫守。武家補任、萬天日錄。八年。與父流于莊內。臨其發也。賦詩曰。急離父母去。何處皆是自然非。可忡。雖朽身體東與地。丹心未忘致君忠。中興盛衰記、○今按、此詩疑父隆長所賦矣、或附以俟考。賜米五百苞。中興盛衰記。天和三年。遇赦。賜食邑三千石。仕幕府。後為書院番

野史卷二百二十九終

頭。元祿九年二月。爲廳下士大岡五左衛門被殺。賜食邑於養子清彌。子孫相傳。仕幕府。武家補任、中興盛衰記、

野史卷二百二十九終

野史卷二百三十

飯田忠彦 修  
男 文彦 訓點  
竹中邦香 校

武臣列傳第一百三十八

平岩親吉

久野宗能

平岩親吉。姓物部。弓削氏。三河人也。其先照氏。族稱上野。爲左衛門尉。居碧海郡平田莊上野城。屬新田義興。有戰功。其裔孫。以弓削爲族稱。是爲親吉等祖。父親重稱。新右衛門。族稱平岩。親吉小字七之助。

野史卷二百三十

二十六

藩翰譜、初東照宮幼而在駿府。親吉童稚。每近侍左右。及長。武略有度量。仁愛寬厚。爲騰雲世子信康傅。天正七年秋。織田信長召酒井忠次。謂曰。頃聞信康挾異謀。須疾裁其根葉也。先是信康與夫人織田氏不睦。竊書信康非據十二事。遣忠次報信長。信長披讀。每一事咨問。知否。忠次對曰。臣未知。讀畢。謂曰。莫如之何而已。應疾謀焉。故事迨斯。親吉驚愕悲歎。馳赴切請曰。郎君有異聞。將就戮。親戚之間。何爲有異志乎。恐潛潤膚受之愬。君奚不糾明焉。臣苟爲輔弼。數年。日夜咫尺。如有過則罪悉在臣躬。庶幾勿臣元。

以謝之。信長雖暴。何弗聽之有。請疾賜死。東照宮曰。異謀未察。雖然。方今四圍皆敵。所倚賴。惟信長而已矣。若失彼助。則吾宗不得保。實以恩愛滅宗祀。我所不欲。且不慮斯事。何遺無辜。而以建勳於濁世。雖以汝元謝。彼必弗聽。故我深以殺汝傳醜於後。爲恥焉。忠誠莫所謝。感泣溢眸。親吉不能復言。發聲悲泣。而移信康於二股城。遣天方通綱。服部正成。令自盡。衆謂忠次淺忠。宮亦恚焉。藩翰譜、大三川志、及武田氏大久保參河物語之亾也。親吉爲甲斐目代。前亾遺類未平。國人騷擾。敵窺虛隙。親吉撫綏新附。愛育諸民。一州咸平。十三

年。攻真田昌幸於沼田城。師不利。親吉率部兵擊卻焉。藩翰譜十六年四月。叙從五位下。稱主計頭。武家補任、國史實錄。十八年。與群將攻岩槻城。又攻筑井城而下之。藩翰譜譜。逸。是秋。封厩橋野上城。賜食邑三萬石。藩翰譜譜。作。一。史。親吉無子。東照宮命養公子松千代為嗣。莫幾松千代夭。柳營譜零。庚子之亂。從師于小山。在厩橋城。監山東軍國事。德川記慶長八年。公子義直封甲斐國。親吉為之傅。賜府中田六萬石。逸史作。修築城壘。藩翰譜甲斐。十二年夏。義直轉封於尾張。親吉亦徙湖。水見聞集。犬山尾張城。食邑十萬石。代執國事。藩翰譜續。王。十六

年十二月卒。歲七十。逸史作。十七年正月卒。七十歲。覽。法名道林。鹽尻無子。自以尾張侯亞父。不敢立後。遺書舉其封邑。附尾張。東照宮求其後。有婢子育於民間。或告之。其室性妒。固執為非胤。卒以不祀。逸史  
 ○創業記。紳書並云。去元旦親吉卒于名護屋城第二郭。訃聞駿府。東照宮曰。親吉病如篤。則何還犬山而不終。蓋是為。去年夏遷清須城。於名護屋。敬公子未徙移。親吉不避而卒于城中。故云爾。  
 久野宗繼。遠江人也。姓藤原氏。工藤為憲之後。宗仲初族稱久野。久野系圖宗仲十三世元宗。初居駿州久野。

城。是爲宗能父。宗能稱三郎左衛門。永祿十一年三月。東照宮畧遠州地。宗能族強地險而不屈。高力清長度其力取勞。緩頰說之。宗能乃畔今川氏。以久野城乞降。御年譜、逸史、十三年正月。今川氏眞自掛川。潛遣人謂宗能叔父宗益。逸史、今作宗能父、八右衛門、宗明、今從東遷基業、載之、曰我欲夜斫天王山營。汝自後應。卽我得志。以遠江一州賞之。宗益及宗憲宗政宗常等應之。招宗能說之。宗能曰。守義興家者。士之常也。去年反駿而歸。參。今復反。參而興家。是不義也。弗從。二十日。使者復至戒期。宗益等胥議曰。明夜出兵。擊東照宮之後陣。先是

宗能歸服執謁。恩遇太渥。宗益宗憲宗政宗常等亦來應。至是變。志云。御年譜、下二十一日。舉族竊議殺宗能。而宗常。三遠口記、左衛門宗明、意謂宗能者一族之長者。且嫡宗也。苟爲其支族。殺之者不義也。乃捕氏眞使者。以報宗能。次日宗能令本間長季告變。且乞援。東照宮遣松平忠正。植村家政。菅沼定盈。赴救。又使榊原康政援。宗能戮其族宗政。宗益宗常等。康政特殺宗益。逐卻宗政等。陽令受約。設三覆城外。及期。駿人選精兵。潛出夾擊。破之。得其將校五人。師遂門焉。御年譜、德川記、東遷基業、

○野史氏今考宗能一族。諸書所載猶有異同。大  
三河志云。今川氏初誘反者八左衛門宗常。其宗  
益淡路守。宗政佐渡守。宗常彈正忠云。道二十一  
日。使者到。歸正告變於宗能者宗常也。或宗憲爲  
彈正。宗政爲采女云。東照宮御年譜作今川氏使  
者到八左衛門宅。與淡路守及彈正采女議曰。明  
夜出兵。斫東照宮之後拒云。淡路守者宗能弟爲  
援將被斬。其入左衛門者不載名。疑爲宗常矣乎。  
爲宗明矣乎。未詳。故姑附以俟後考。  
八月東照宮賞宗能。盡併賜一族采邑。德川記、後剗  
基業

髮號宗安。系圖、基業子宗秀。稱民部少輔。慶長元年十二  
月三日。與三宅正貞爭鬪而死。沒收宗秀邑一萬三  
千石。正貞邑三千石。宗安老而悲歎。東照宮聞之。憫  
殊。賜下總田一千石于宗安。慰焉。武德編年集、成、大  
三川志、基業、落穂  
集、孫宗成繼其祀。稱丹波守。元和五年。受命附南龍  
公子賴宣。賜田丸伊勢城。食邑一萬石。子孫仕紀伊侯。  
保其祀。系圖、

野史卷二百三十終

野史卷二百三十終

野史卷二百三十一

飯田忠彥 修  
男 文彦 訓點  
竹中邦香 校

武臣列傳第一百三十九

石川清兼

石川清兼。三河人也。姓源氏。鎮守府將軍義家孫義基。居河內國石川郡。其子義兼初稱石川判官代。石川系圖、石川家譜、義兼玄孫義忠。元弘元年秋。應二敕通於志笠置行宮。鎌倉將捕義忠戮之。會小山高朝有姻好。為懇請義忠父子命。迎入之於下毛。義忠及子時通。

野史卷二百三十一

三十一



徙居小山。時通子朝成。更族稱小山。朝成曾孫政康。文安年間。政康與本願寺蓮如相遇。蓮如謂曰。三州我鄉黨也。然無倚賴者。冀卿與往。以爲吾宗徒護魁。政康應諾。俱遷三州。復族石川。居小河寨。系圖家譜。藩翰譜。松安君親忠謂政康曰。卿有男子。願得一人。以爲我家長矣。政康悅。附二男子。是爲親康。時歲甫十四。親忠躬自令加元服。授諱字。稱親康。家譜。藩翰譜。而後世立爲永式云。家譜。親康子忠輔。稱傳太郎。或稱傳七郎。傳。棹舟君長親。賜諱字。初年尙弱。受父旨。赴小河。與伯父康長議。勸安祥守者。令歸屬。後稱左近大夫。家譜。藩翰譜。天文

十六年。守岡碕城。柳營。婦。女傳。子乃清兼。本名忠成。初字助十郎。仕善德君清康。賜諱字。稱安藝守。與酒井正親。並執家事。善德君卒。大樹君在伊勢。清兼暨正親。安部定吉等迎之。又迎傳通太夫人于刈屋。整婚。及東照宮誕生。清兼候臺目役。後清兼奉旨如駿。修盟。又爲隊長。將攻安祥城。而邀東照宮于駿。及宮有軍。始攻梅坪。廣親等猶將進軍。清兼諫止。收軍於岡碕。而赴駿。今川義元扣留。國人怨望。清兼及本多廣孝。天野景隆如駿。請復歸。義元弗聽。家譜。藩翰譜。武子德編年集成。康正。家成。

野史 卷一百三十一  
康正或作康昌初字右近。稱伯耆守。當東照宮在駿。今川義元使康正守岡碓城。藩翰譜清兼卒。無幾康正亦卒。子數正。

○藩翰譜云。東照宮在駿之日。右近及安部六藏。留守岡碓。年壯而死。是爲數正父。源君美考。右近後稱伯耆守矣乎。永祿前之故文書。有載伯耆守者。又德川殿記云。伯耆守康昌。是則右近矣。世云。伯耆守數正。永祿中稱內記。後更稱伯耆守矣。或數正初賜片諱。稱康昌。後往京師。改稱出雲守。名數正也。未詳。一說云。家成兄乃伯耆守也。姑從新

井氏考及石川家譜載之。猶當考

初字與七郎。更稱內記。又伯耆守。家譜系圖以世臣。自幼勤仕。寵待日渥。從東照宮軍始。每侍左右。永祿四年二月。水野信元率兵來掠略郡邑。東照宮復出刈屋。與其兵戰于石瀨。數正爲先鋒。與敵隊長高木清秀接槍。藩翰譜編年集成承父祖遺業。與酒井忠次俱預聞政事。藩翰譜舊章錄迄東照宮與今川氏真不協。數正竊謂世子在駿府。無有護衛。今川氏狂暴。其危弗測。乃欲往侍焉。請宮弗聽。留書潛行。永祿五年三月。師禽鵬殿長照二子。先氏真恒重長照。而酷愛其子。於是

痛惜弗措。數正聞之。密因關口義廣。請易質。氏真欣然許之。數正馳入報之。東照宮悅。送氏照二子。氏長。氏次于駿。數正跨駿。意氣揚揚。奉清池夫人。今川氏。暨世子信康。至自駿。國人迎。稱數正忠志。藩翰譜編年集成、逸。味方原之役。數正援織田氏。備遠州。而聞武田信玄入遠州。旋兵。先是數正聞土岐氏士淺岡某。能練熟射法。赴訪其人。請曰。方今戰爭之間。歸國必戰死矣。我雖小兵。嘗嗜牽弛之道。於邊境。未學臨軍陣。結鞅差緒之法。如死而遺。啣於世上。最爲餘憾。願得學之。某迺傳其法。夜以繼日。馳歸。會是日之役。信玄

傳聞曰。武而學武。可稱德川氏之武。不可侮慢也。藩翰譜姊川之戰。爲申驅。大問記長篠之役。東照宮乞援於織田信長。信長依違弗果。數正赴說。遂邀信長。信忠父子歸。自爲先驅。擊敵大破之。而後常列隊長。所對多破焉。天正十一年五月。數正受命。赴賀羽柴氏。徙大坂城。藩翰譜十二年。羽柴秀吉與織田信雄不和。東照宮援信雄出師。四月。數正留衛小牧。竊懷貳。酒井忠次察之。固壁密爲之備。豐臣家譜六月。數正拔前田城。十一月。秀吉與信雄行成。數正後受命。往賀焉。十二月。秀吉憑信雄。乞公子秀康爲子。數正二男勝千代

從焉。而後秀吉累昇顯職。請見東照宮。弗聽。或謂秀吉心將殺公子及勝千代等。譜、藩、翰初小牧。長湫之役。池田信輝父子。森長一等既戰斃。秀吉自樂田嚮長湫。數正時在小牧營。衆戰疲。或議我疲勞軍。謾不可與大軍對敵矣。遣人燒敵營。則彼必謂營陷。我師乘其機。進擊之。得利必矣。數正唯不從。或恠焉。數正初懼。東師不克。密懷貳。或以告東照宮。不信。益善遇之。秀吉聞數正勇。陷利以招之。數正見秀吉日大。心益動。誘部下松平近正。近正怒曰。我豈事二君哉。逐使者。馳上狀。數正終決意。以天正十三年十月。載孥。

奪小笠原貞慶質子。奔大坂。松平家忠自深溝。馳到岡崎。數正既奔尾州。家忠領兵戍岡崎。國史實錄、德川記、系圖、武家譜、豐臣家譜、藩翰譜、逸史關白秀吉疾其不義也。不禮焉。或榜其門。嘲詠。輿人傳誦。數正益愧悔。稱疾家居。逸史十四年正月。封和泉國。與水野忠重。掌監軍事。更稱出雲守。而後秀吉與東照宮和睦。爲懇請。令再得謁見。藩翰譜十八年七月。封深志。信濃城。實松本也。食邑十萬石。家譜、藩翰譜、逸史不詳其所終。子康長。康勝。康長。舊章錄、作家譜、清今從藩翰。天正中。叙從五位下。稱玄蕃頭。藩翰譜、考系圖繼父後。食八萬石。庚子之役。從台德公子山道。壓上田。保



深志城。藩、翰康長暴行。居城下有王子及淺間社。命取其寶塔九輪。令鑄造鑿子。塔軸遂壞云。新著、康勝  
逸史作數短。今小字勝千代。從公子秀康于大坂。武家  
據石川家譜。分信濃封田二萬石。叙爵稱肥後守。系圖、藩、翰、譜、家  
藩翰譜。大久保長安死而後。連年奸謀發覺。慶長十八年十月。康長連坐。放竄于豐後佐伯。康勝亦坐。奪食邑。創業記、舊章錄、類集武家盛衰記、藩翰譜、逸史  
家成。初字彥五郎。繼父。後稱日向守。系圖、永祿三年  
五月。東照宮爲今川氏。攻丸根城。家成爲先鋒。督衆拔之。家譜、編年集成。四年七月。與松平信一。據中川附城。攻

鳥屋根城。壁固而不拔。會東照宮率兵三千。途過長澤。敵砦失火。烟塵蔽空。宮轉麾下薄之。家成等競擊。終陷之。編年集、成、逸史。及一向之亂起。一族多爲其門徒。家成獨離析親族。忠誠無貳。或勸一族。令歸順者亦多。與松平康高等發兵。攻上野。家譜、編年集、成、逸史。七年三月。一向賊徒。往往悔過自新。或捧盟書。於是東照宮入上和田淨聚院。賜書於僧徒。渡邊守綱等爲鄉導。家成自高須口騎入。土呂善秀等賊徒狼狽。家成大呼曰。水野野州爲若等。歎訴。寬嚴命。施仁政。悉赦賊徒罪。於是僧徒投擲干戈。抃躍悅服。藩翰譜、編年集成。十二年。今

川氏真走入掛川。東照宮率師薄之。家成爲先鋒。急擊之。氏真勢屈。因家成及酒井正親行成。而遷居相模。掛川平。東照宮賜城於家成。令撫綏新附。家譜、藩史、先是家成與酒井忠次爲三河東西旗隊長。至是讓職於姪數正。家譜、藩史、元龜元年九月。家成與忠次受命率兵二千餘。如近江。援信長。與佐佐木承禎戰。一日二十餘回。遂擊走之。織田家譜、豐臣家譜、藩史、味方原之役。家成固守掛川城。不會其戰。師多潰。家成盡其甲。赴濱松。援。兵氣頗張。家譜、藩史、天正元年二月。按、石川家譜、元龜二年、武田信玄入遠州山名郡。士多應之。家成及久

野宗能攻香具輪。石川家譜、或作歌久阿、寨。自宵分至東明。遂斬其守將。近鄰諸寨望風而潰。家譜、藩史、是春。東照宮率家成部下發東參。觀兵於甲斐。信玄以爲去年敗。其兵不振。至是見兵勢之盛。驚曰。參之武可畏也。家譜、六月。攻二股城。藩史、九月。武田勝賴將襲掛川。邏視郭外。守備嚴整。察不可拔而退。家成遣二士覆日坂。携銃窺勝賴。爲馬場信房所得。其一人。藩軍鑑、甲八年。讓家事於子康通。致仕。特賜老休之田。家譜、藩史、十年。賜梅細豆。田五千石。藩軍記、庚子之役。守東府城。十二年七月。康通卒。嗣子年甫九歲。家成讓老

野史 卷一百三十一

休之田於外孫。徙居大垣。再執家事。家譜、藩十四年十月。歲七十六而卒。藩、續王代一覽、系法名香譽梅巖。號常壽院。大樹寺及大帳、子康通。稱左衛門大夫。更稱長門守。高天神之戰。得首十六級。天正八年。繼父小牧之役。從師。及秀吉發樂田。馳赴長湫。與本多忠勝。欲救罷軍。騎抵小幡。東照宮既收師於小牧。乃止。藩、翰、譜、山中、兵衛、覺書、十八年。征伐小田原。代父為先登。八月。賜鳴戶田二萬石。難波軍記、逸史、作、上、總、鳴、海、野、島、渡、庚子之役。從師于小山。德川、轉、西、上、與、松、平、家、清、守、清、須、城、明年二月。賜大垣。美、城、食、邑、二、萬、

石。藩、翰、譜、課羣侯。修築城壁。藩、翰、譜、慶長十二年七月卒。歲五十四。家、譜、逸、史、○、藩、翰、譜、作、十、一、年、八、月、家、今、據、大、樹、寺、及、大、久、寺、過、去、帳、載、之、成養大久保忠鄰子忠總。成堯為子。實為外孫。成堯叙從五位下。稱內記。賜家成隱栖料五千石於梅繩。坐實父忠鄰事。違旨幽居。及大坂之役起。潛赴師。斬敵二人。戰死。家、譜、藩、翰、譜、備、考、系、圖、忠總。小字宗十郎。慶長元年。元服。台德公賜諱字。近侍。三年。台德公東征。次小田。忠總時歲十九。受命為一隊長。從師。及上國兵起。從焉。是冬。更冒石川氏。八年。叙爵稱主殿頭。而家成卒。承遺領。十九年正月。忠

海史 卷一百三十一 三十八

鄰坐事被謫。忠總亦坐。幽居于駿府。是秋。聞大坂舉兵。公曰。忠總既嗣家成。與忠鄰莫緣坐。忠總聞斯言。潛從而西上。到伏見。勵家士曰。我以父故。決必死。唯請汝有衆一命。厚饗。果物而發。諸將欲攻博勞淵。南北二砦。守將起堙樓。臨發矢丸。北寨下有州。蘆葦懋密。寨出銃卒屯之。東師不得薄。幕議欲先取蘆洲。洲小而庳。湖水所漬。多兵不可處。寡兵不可守。衆難其人。命水野勝成。勝成辭以無盾。東照宮弗懌。忠總痛父嚴譴。欲力戰自効。乃請而往。家譜、藩翰譜、昔物語、逸史、

○石川家譜載。賜先鋒命而西上。藩翰譜。潛西上。

姑據之書焉。

十二月二十九日。大坂記作廿七日忠總以其甲二千。移于葭島。與城兵交銃奮擊。將奪蘆洲。莫舟莫橋。佇立良久。堙樓矢丸雨至。會潮滿。一破艇漂至。家士八人乘之。把槍爲械。涉潮逼壁際。凌矢丸力戰。敵卻入寨。士登堙樓。揭背標。麾兵。忠總將濟無路。大久保忠爲求得半焦艇。濟水芟蘆荻藉之。卒半立水中。併銃手仰射。日夜聊不熄。明日九鬼守隆給忠總以舢艫數十艘。及銃手百。忠總終麾衆濟之。乘砦拔之。獲首三十餘級。蜂須賀至鎮助之。陷其南寨。忠總進拔土佐港。



野 史 卷 三十一  
寨。至鎮兵取阿波座港寨。是夜乘雨。忠總守隆。向井忠勝自堤陰襲敵兵於福島。悉擊走之。得生虜三口。軍船數艘。時城中燒斷羅城諸橋。唯留高麗淡路。本町三橋。十二月朔。城兵復出盡燔城下廬舍民屋。忠總冒烟火擊卻之。遂迫高麗橋。恐其焚橋。悉力督戰。永井直勝。小栗忠政請分兵援之。東照宮叱曰。而等昧兵機。若此乎。因謂左右曰。彼大橋自截出路也。我兵四面齊攻之日。豈恃此數橋哉。今我兵救橋。爾後守橋道者。夜不得穩眠。遂馳軍使。令忠總退。德川記、大坂記、

秀賴事記、難波軍記、夏之軍。走守高槻城。捕逋亾者昔物語、藩翰譜、逸史、

十四五人于三島江。家譜、昔物、五月六日。城兵仙石宗也等。率三千餘陣于天滿東。次日忠總及京極忠高。高知歷東街道。而到野日。有喜連渡。忠總遣人謂踰渡而布陣矣。忠高弗肯再三。忠總將先涉。忠高率衆涉。振柵布陣。忠總次之。備于下島。會城兵自堤上來薄柵。忠總兵起自堤陰。擊敵得首級。忠高自堤上。忠總踰田畠溝。迨尾。先到京橋口。明日東照宮望見忠總旗幟。曰。主殿備此地矣哉。終進固片原町。大坂

記、大坂日記、昔物語、橫田覺書、是役得首都三十級。大坂陣、生虜二百七十。家譜、次年秋。遷封于日田。豐後、寬永十年。加賜萬

石。徙佐倉下城。明年叙從四位下。尋賜膳所近江。城加  
萬石。併食邑七萬石。家譜、藩翰譜、備考系圖慶安三年十一月  
卒。歲六十九。藩翰譜、備考系圖法名日觀備考系圖。有六男子。曰  
康勝。曰總長。曰貞當。曰泰總。曰邦總。曰總氏。康勝叙  
從五位下。稱彈正。大弼。先父而卒。子憲之。初名昌勝。  
承祖父忠總後。叙從五位下。稱主殿頭。後加賜萬石。  
移封今治龜山伊勢。城。總長分父封邑二萬石。叙爵稱  
播磨守。後世移封今居下館常陸。城。列侯籍。貞當稱八  
郎左衛門。叙爵稱阿波守。依母氏族。稱上野。分父采  
邑七千石。後世復族石川氏。泰總字稱權七郎。邦總

字甚十郎。總氏割父采邑三千石。叙爵稱東市正。子  
孫相繼。累仕幕府。家譜、武家補任、藩

野史卷二百三十一終

野史卷二百三十二

武臣列傳第一百四十一  
內藤家長

飯田忠彦 修  
男 文彦 訓點  
竹中邦香 校

內藤家長。三河人也。姓藤原氏。出自鎮守府將軍秀鄉。秀鄉八世孫行俊。以父賴俊任內舍人。故初以內藤為族稱。內藤系圖、行俊十一世後義清屬安栖君信忠。住上野城。是為家長祖父。父清長仕善德君。賜諱字。繼居上野。天文十一年逸史作十二年十二月。尾人來

侵襲上野。破外郭。清長率其族拒戰。姪正成時歲十六。善射。殪敵數十人。遂擊卻之。大樹君召正成。增采邑賞之。國史實錄、藩翰譜、逸史、家長小字金一郎。稱彌次右衛門。東照宮賜諱字。系圖、家譜、善彎強弓。藩翰譜、永祿十二年。東照宮攻今川氏真於天王山寨。家長弟信成中矢而倒。敵進將馘。家長射其敵。拯信成。家譜、天正三年。長篠之戰。敵出斥候三騎巡邏。家長及叔清正前射。中差矢而卻之。家譜、藩翰譜、六月。東照宮攻二股城。敵出禦。中間隔一小河。城兵朝比奈彌兵衛馘松平彥九郎。是為家長外戚。家長望見。忿馳逐射斃之。其弟彌藏

遮戰。復射斃之。敵濟水來戰。家長多力善射。會師赴援。敵縱火於民戶而去。明日二股守將依田信蕃遣人於石川家成。送其箭。謂曰。誰與用此箭者。非源為朝。是平教經。東照宮喜賞。賜道服於家長。藩翰譜、逸家譜云、近世無比、是今辨慶、無、七年。東照宮據諏訪原。逗田中城。親自廻視。從者僅五六騎。敵躡尾。家長受命。反騎射卻之。家譜、八年。家譜作、五月。東照宮出蹂躪田中。持舟麥苗。過藤枝。石山數正為殿。持舟城出兵。是時數正卒二人隸家長。曰。請從焉。家長許可。守將朝比奈泰能馳輕騎追尾。數正從戰乘勝。遂到城際。得首二十餘

級。家長亦刺敵二騎。使二人馘之。家譜、藩十年。入甲  
斐。戊大野砦。與松平清宗擊相人。得首二十七級。藩  
譜、十二年。羽柴秀吉還美濃。前田城主救瀧川一益。  
而畔東照宮。率師抵蟹江。家長及酒井忠利馳驅擊  
而走之。敵據城防禦。併軍四圍。家長對前門前田口。  
敵出拒戰。家長射槍左敵數人。披靡不進。縱火燔前  
門。遂乘外郭。士卒死傷者數人。十三年。石川數正西  
奔。家長受命督其隊騎八十八人。家譜、藩十八年。從征  
伐小田原。攀登箱根嶺。關白秀吉望見家長甲裝凜  
然。令問姓氏。而賜銃三十挺。家譜、小田原亾而後。賜佐

貫總、城。食邑二萬石。家譜、藩庚子亂。與鳥居元忠。  
松平家忠。近正。守伏見城。家長暨子元長在西城。西  
軍四萬餘合圍。家長登天守樓。縱火矢。焚四面邸第。  
西軍驚擾。不敢薄壁。家長與元忠巡邏松郭。胥議欲  
截後河渡橋。西將垣見家純遽薄。支戰橋上。家純遂  
屈走。是夜撤橋而禦守旬餘。燒竹盾。或燒埋草。固拒  
不屈。七月二十九日。有兵懷貳者。於松郭中。縱火誘  
敵。八月朔。餘烟未熄。逆風暴怒。元忠凌敵來。欲與俱  
死。遇之於西郭大門。元忠曰。牙城既火。請與足下俱  
死矣。家長不可曰。如卿者城主也。何為得死於他乎。

敵已隔壁。須去。元忠諾。入牙城而殪。家長開門。勁弓巨箭。發無虛鏃。箭竭。躬亦被創。使元長及安藤定次禦敵。入鐘樓。從容作書。顧卒原田某曰。孥力達之行營。又視我死。可報左馬介。其功倍死。命縱火自殺。元長亦力戰。被傷十六處。猛火蔽眼。不得往父處。入炎燄自殺。卒獨得脫走。東照官覽書痛惜。家譜、川記、慶元通鑑、藩翰、時歲五十五。系圖、法名久山善昌。號義松院。譜、逸史。子政長。元長。元長字小一郎。從父自殺。歲十六。家譜、系圖、備考、系圖、諡號考。政長。元長。元長字小一郎。從父政長。小字金一郎。叙從五位下。稱左馬介。初長湫之

戰。歲甫十六。射敵多。復擊敵得首級。家譜、藩翰、關白秀吉授豐臣氏。系圖、家譜、藩翰、大坂冬軍。在東府。夏軍從師。內藤家傳、或作累賜七萬石。居岩城平與。城進叙從四位下。寬永十一年。歲六十七而卒。系圖、家譜、藩翰、有子。忠興。政次。政重。政晴。政次。政重蚤死。政晴叙從五位下。稱兵部少輔。頒父采邑二萬石。今居舉母。子孫相繼。忠興。台德公賜諱字。叙爵稱帶刀長。家譜、武藩、大坂冬之役。發勝山。潛西上。到平野。就本多正信。請從師。明年三月。賜佐貫總、田一萬石。家譜、藩翰、夏軍起。屬酒井忠次。與松平康長。擊毛利勝永走之。而

與康長議。馳人使謂本多忠朝曰。請遣援兵。忠朝疑議不肯。遂入敵軍戰死。康長亦傷。從卒死傷者多。忠興裝甲朱鎧。齒背標。騎離揮十又槍。數與勝永戰。遂卻之。他日東照宮證其裝甲。問其名於忠次。賞其勇。忠次以爲女婿。故不對。忠興亦弗應。或曰。某甲也。宮曰。尉隊下矣乎。再三終不答。家譜、家傳承應中。爲大坂城代。進從四位下。致仕而後卒。子義泰繼。稱左京大夫。子孫相傳。今治延岡口城。采邑七萬石。世列侯籍。次義美。叙爵稱東市正。次政亮。族稱遠山。割父封邑一萬二千石。叙爵稱主殿頭。孫政貞。復族稱內藤。子孫

今居奧州湯長谷。世侯。

信成。家長弟也。信成母氏。初近侍大樹君。有娠。賜諸島田景信。景信者三河人。歷三箇月。而生。信成於景信家。實天文十四年也。清長請而養之於襁褓。家譜、藩翰譜初字三左衛門。年甫十三。仕東照宮。而年尙弱。會有縱馬奮迅不可當。遇信成。相懷如人。將嚙信成。欲伏不能。勢殆危。拔刀割馬喉。得免。或謂殺他人之馬。不能繫得。其人必不赦矣。將自殺。被抑止啓之。東照宮曰。有與他馬異也。何咎之有。藩翰譜、甲陽軍鑑一向亂。與親族攻上野。先登有功。味方原之役。代本多忠真而

殿努力疾戰。屬從皆死。藩翰譜、逸史高天神城及將陷。東照宮遣信成赴國安。擊逃遁敵。信成乃與菅沼定清馳進。得敵而還。小牧軍留守清須牙城。小田原軍與諸將攻蕪山城。拔之。藩翰譜是歲八月。賜蕪山伊豆城。食邑一萬石。家譜、藩翰譜、逸史文祿四年。叙從五位下。稱豐前守。武家補任譜、家譜庚子亂。守沼津城。明年賜駿府城。國史實錄系圖、藩翰譜、慶長十一年。長濱近江城久圯。東照宮命江濃飛三州役夫修之。金森可重督役。七月落成。移信成封之。食邑五萬石。十七年七月卒。歲六十七。藩翰譜、逸史法名陽齋宗賢。號法善院。系圖、謚考子信正。信廣。

信正或作信政繼父叙爵稱紀伊守。子孫徙封。今居村上越後城。列侯籍。信廣初字稱主稅。分父采邑三千石。殊仕幕府。累歷著職。叙從五位下。稱東市正。後稱石見守。加封祿邑一萬石。為大坂城番。慶安二年。或謂隊下與力椎名七兵衛耶蘇之徒也。鞠問得實。信廣坐收食邑一萬石。時六月。會邸第火起延燒。多重科。幽會津。後遇赦。辭而不歸。終死于謫處。子信充。食邑五千石。仕幕府。迄曾孫信盛。蚤死。嗣絕。系圖、大坂日記、中興武家盛衰記清成。祖父曰清正。家長叔父也。清正天文十二年始



仕大樹君。生三男子。長曰忠村。次曰正成。皆殊賜。食  
祿。季曰忠政。字仁兵衛。性多病。未滿不惑而致仕。藩  
譜。忠政亦有三男子。清成。忠重。正次。清成小字彌三  
郎。實竹田宗仲子。忠政取爲子。家譜。忠政繼。仕東照宮  
台德公。天正十八年。賜當麻相模。田七千石。家譜。或作五  
千石。文祿中。叙從五位下。稱修理亮。系圖。家譜。爲台德  
公傅。與本多正信。俱預聞政務。慶長六年。青山忠成  
補焉。十一年。清成。忠成免職。先是東照宮每冬獵。武  
相之地。台德公命禁捕鳥獸於其地。一日東照宮出  
獵。覽結蹄牽。繫繩於其地。問爲誰乎。左右對曰。清成。

忠成所令焉。宮曰。大樹未識矣乎。色動。台德公聞之。  
將誅二人。遣阿茶局咨詢。宮弗應。公益懼。問計於正  
信。正信對曰。君以孝襲職。實太公之恩惠也。不可戾  
其旨。二人伏誅。實當其罪矣。他日正信。竢宮出獵。而  
後到其地。召見。正信謹而曰。可懼可慄。大樹聞太公  
意弗懌。頃將刑。清成。忠成。二人亦可惜也。臣既老矣。  
與仕大樹公。寧侍君側。而延顰首。宮意稍解。召阿茶  
曰。勿刑二人。於是得免。藩翰譜。本多  
月卒。歲五十四。家譜。逸史。法名高譽。寶月。號放光院。  
諡號。子清次繼。采邑三萬石。先是叙爵。稱若狹守。歷

職。元和二年五月。附大猷公。明年七月卒。弟清政繼。叙從五位下。稱修理亮。元和九年卒。弟正勝繼。歲尚幼。外祖板倉重宗謂幼稚而襲多祿。恐不可矣。俟其長。賜之。乃請收其三分之一。潘翰譜。○按系圖。家譜云。正勝卒。子重賴幼而職。補大坂城代。叙從四位下。任侍從。累功加賜食邑三萬三千石。子清牧繼。定封高遠信城。世得侯爵。忠重小字甚十郎。叙從五位下。稱伊賀守。後更稱志摩守。賜鳥羽城。食邑三萬七千石。子忠種。忠吉。忠由。忠吉。忠由各賜食邑。仕幕府。忠種襲封。叙從五位下。稱

飛驒守。而卒。有四男子。長忠次。依病不仕。次忠廣。次忠勝。嗣。次忠知。領父采邑。殊仕幕府。忠勝初字左兵衛。寬文十一年。叙從五位下。稱和泉守。延寶元年。繼父後。加詰系圖。家譜。潘翰譜。中興武家盛衰記。八年六月。修嚴有公冥福於增上寺。先是有修於寬永寺。忠勝稟命勤其役。永井尚長亦以奏者。奉拜禮之命。其性驕慢。誇權。蔑如傍人。對忠勝。悖禮者多。然忠勝敬讓。不敢戾。唯慎謹終事。於是復俱候其役。當二十五日。有執政赴拜者。尚長家人謬不揖。忠勝士雖識其人。准尚長士而不禮。監吏糾之。尚長以拜禮故謝。忠勝驚謂尚長

曰。爲之何如。荅曰。我爲我。卿爲卿。我奚知卿之所置乎。會驟雨。執政命忠勝。令頒與傘於諷經僧。僧大袞急遽。頗遲滯。尙長罵辱忠勝。無備于袞中。明日有奉書到。尙長先披讀之。除忠勝。使諸有司番傳讀。而尙長將收之。忠勝進曰。我未拜。請問其旨趣。尙長曰。非卿所預聞。乃卷而懷之。忠勝忿憤逆氣。揮佩刀。斬尙長。遠山政亮抱留忠勝。事聞。二十七日。賜死於青龍寺。時歲二十七。武家補任。中興盛衰記。類聚武家絕。正次初稱仁。右衛門。屢加食邑。併賜五千石。養子正勝承其後。累歷著職。加賜食邑。合領一萬六千

石。叙從五位下。稱上野介。子孫今居信州岩村田。相傳世侯。


正成。清正二男。字四郎。左衛門。幼而爲伯父家長被養。天文十一年。尾人曾襲上野寨。乘二郭。正成時歲十六。射而卻之。明日賞賜三州羽角地。家譜。永祿七年正月。東照宮伐一向徒於針碕野。正成從射渡邊高綱。石川十郎左衛門揮槍格東照宮。正成大呼曰。雖親族也。贏輸公事。我不敢赦。射十郎兩股。殪之。家譜。武德編年集。是歲。與駿人戰于御油。敵據壘發鬩。袞雖縱射不屈。宮曰。正成。正成乃發三矢。其二達壘。嘗彫姓

氏於鏃傍。敵恐駭。悉下壘。送飛帛曰。精射可歎。請復一矢。東照宮制止。據內藤家譜作再射。今不載。正成當途有敵。伏麻圃。以狙正成。正成射而斃之。家譜味方原之役。甲人追尾。正成及鳥居忠廣從東照宮而退。忠廣曰。我死。子從而去。對曰。臨危殞命。今其際也。子少於我。今之死。卽我處分也。將返戰。忠廣曰。忠義無異。我奚爲食言矣哉。二人俱死。則是遺君也。正成不得已而退。敵益逼。鬪者多。東照宮退。達鹽市口。可七八町。敵追殆危。正成謂子彌九郎曰。女代君。對曰。諾。小子素懷也。曰。我死則所從壯士等以爲怯矣。如今以退爲上。

策。我死則君危。可返戰之期也。知可死。而不知地理。則無利。此乃可禦戰之秋也。彌九反騎鬪而死。正成顧悲。遂使東照宮得入濱松城。師及攻二股城。正成傷脛。留守濱松。會疾風暴雨。旋邸。本多忠勝馳人報歸。使開城門。正成固鎖弗應。忠勝遽叩扉。袂喧呼。正成在樓上曰。誰奚哉。應速去。不卻者射矣。挾火於銃視焉。後軍支而不得入。忠勝馳人報諸中軍。東照宮親自抵城門。呼曰。正成在斯乎。孤今歸。正成聞之。出提燈於狹間。熟視遽下。自開而迎入。宮他日謂曰。使正成守城。雖有謀將。不可得犯焉。碎話。王長湫之戰。爲斥

野史卷二百三十二

候。歸報曰。疾戰有利。隊伍不整。衆或謂正成鹿卒矣。  
重請戰。東照宮意亦合之。乃戰有利。明日召而褒之。  
益賜以野羽田七百石。家譜、豐家譜、慶長七年。歲七十六  
而死。家譜、子孫分賜食邑。各仕幕府。



野史卷二百三十二終

